

漢魏六朝百三家集

欽定四庫全書薈要

吉林出版集團有限責任公司  
海 天 出 版 社

# 欽定四庫全書薈要

集部  
總集類

吉林出版集團有限責任公司  
海天出版社



藥堂金書會  
寶

目次

| 書名       | 卷次       | 頁次     | 作者    |
|----------|----------|--------|-------|
| 漢魏六朝百三家集 | 卷九六—卷一二八 |        | 明·張溥編 |
| 卷九六      |          | 四七二—一  |       |
| 劉孝綽集     |          | 四七二—一七 |       |
| 卷九七      |          |        |       |
| 劉潛集      |          | 四七二—二五 |       |
| 卷九八      |          |        |       |
| 劉孝威集     |          | 四七二—三七 |       |
| 卷九九      |          |        |       |
| 庾肩吾集     |          | 四七二—五八 |       |
| 卷一〇〇     |          |        |       |
| 何遜集      |          | 四七二—八〇 |       |
| 卷一〇一     |          |        |       |
| 吳均集      |          | 四七二—九八 |       |
| 卷一〇二     |          |        |       |
| 陳後主集     |          |        |       |

| 書名                                                                                                                                      | 卷次 | 頁次                                                                                              | 作者 |
|-----------------------------------------------------------------------------------------------------------------------------------------|----|-------------------------------------------------------------------------------------------------|----|
| 卷一〇三上<br>徐陵集<br>卷一〇三下<br>徐陵集<br>卷一〇四<br>沈炯集<br>卷一〇五<br>江總集<br>卷一〇六<br>張正見集<br>卷一〇七<br>高允集<br>卷一〇八<br>溫子昇集<br>卷一〇九<br>邢邵集<br>卷一一〇<br>魏收集 |    | 四七二—二一五<br>四七二—一五五<br>四七二—一八五<br>四七二—二〇二<br>四七二—二三三<br>四七二—二四五<br>四七二—二五七<br>四七二—二六八<br>四七二—二八〇 |    |

| 書名   | 卷次 | 頁次      | 作者 |
|------|----|---------|----|
| 卷一一上 |    | 四七二―二九六 |    |
| 庾信集  |    |         |    |
| 卷一一中 |    | 四七二―三二六 |    |
| 庾信集  |    |         |    |
| 卷一一下 |    | 四七二―三六四 |    |
| 庾信集  |    |         |    |
| 卷一二  |    | 四七二―三八九 |    |
| 庾信集  |    |         |    |
| 卷一三  |    | 四七二―四二七 |    |
| 王褒集  |    |         |    |
| 卷一四  |    | 四七二―四四五 |    |
| 隋煬帝集 |    |         |    |
| 卷一五  |    | 四七二―四九一 |    |
| 盧思道集 |    |         |    |
| 卷一六  |    | 四七二―五一〇 |    |
| 李德林集 |    |         |    |
| 卷一七  |    | 四七二―五二六 |    |
| 牛弘集  |    |         |    |

|                         |    |                          |    |
|-------------------------|----|--------------------------|----|
| 書名                      | 卷次 | 頁次                       | 作者 |
| <p>卷一一八</p> <p>薛道衡集</p> |    | <p>四七二<br/>一五<br/>四五</p> |    |

欽定四庫全書薈要

集部  
漢魏六朝百三家集卷九十八

欽定四庫全書薈要卷一萬九千六百八十八

集部

漢魏六朝百三家集卷九十六

明 張溥 輯



劉孝綽集  
表

爲鄱陽嗣王初讓雍州表

臣聞大邦維屏既慙宗子之詩思樂泮宮有缺僖公之  
頌特以周興九伯錫壤參虛漢啟三河分珪舊楚身私

欽定四庫全書

漢魏六朝百三家集  
卷九十六

家慶總集微躬雍部襟帶跨制數州西拒峽關北跨鄧  
塞雖復呼韓來朝臺街納質二虜尋戈四郊無警猶當  
王戎雅識羊祜尚義臣退求諸已無或宴安進思盡忠  
幾乎私竭

啟

謝高祖啟

臣不能銜珠避顛傾柯衛足以茲踈悖與物多忤兼逢  
匿怨之友遂居司隸之官交構是非用成萑斐日月昭

詳校官候選知縣臣吳甸華

回俯明枉直獄書每御輒鑒將濟之寃灸髮見明非關陳正之辯遂漏斯密網免彼嚴棘得使還同士伍比屋唐民生死肉骨豈侔其施臣誠無識孰不戴天踈遠敵隴絕望高關而降其接引優以旨喻於臣微物足爲榮隕況剛條落葉忽沾雲露周行所寘復齒盛流但雕朽汚糞徒成延獎捕影繫風終無効答

與東宮啟

臣聞之先聖以衆惡之必監焉衆好之必監焉豈非孤特則積毀所歸比周則積譽斯信知好惡之間必待明鑒故晏嬰再爲阿宰而前毀後譽後譽出於阿意前毀由於直道是以一大所噬旨酒貿其甘酸一手所揺嘉樹變其生死又鄒陽有言士無賢愚入朝見嫉至若臧文之下展季靳尚之放靈均絳侯之排賈生平津之陷主父自茲厥後其徒寔繁曲筆短辭不暇殫述寸管所窺常由切齒殿下誨道觀書俯同好學前載枉直備該神覽臣昔因立侍親承緒言飄風貝錦譬彼讒慝聖旨

殷勤深以爲歎臣資愚履直不能杜漸防微曾未幾何逢訖罹難雖吹毛洗垢在朝而同嗟而嚴文峻法肆姦其必奏不顧賣友志欲要君自非上帝運超己之光昭陵陽之虐舞文虛謗不取信於宸明在縲嬰縲幸得蠲於庸闇裁下免黜之書仍頒朝會之旨小人未識通方繫馬縣車息絕朝覲方願滅影銷聲遂移林谷不悟天聽罔已造次必彰不以距違見疵復使引籍雲陛降寬和之色垂布帛之言形之千載所蒙已厚況乃恩等特召榮同起家望古自惟彌覺多忝但未渝丹石永藏輪軌相彼工言構茲媒譏且欵冬而生已凋柯葉空延德澤無謝陽春

謝爲東宮奉經啟

皇太子四術夙知三善非學猶復旁求儒雅應物稽疑業光夏校德茂周庠諸侯宋魯於焉觀則參陪盛禮莫匪國華臣雖職典經圖而同官不一推擇而舉尚多髦俊寵光曲被獨在選中他日朝聞猶甘夕死況茲恩重

彌見生輕

謝給樂啟

一物之微遂留傳育名醫上藥爰自城府雖正咸視診岐伯下鍼松子玉漿衛卿雲液比妙衆珍實云多愧

謝越布啟

比納方綃既輕且麗珍邁龍水妙越鳥夷

送瑞鼎詣相國梁公啟

生木游火之禽夾階紀朔之華白環銀笄之迹素雉金

欽定四庫全書

漢魏六朝百三家集  
卷九十六

四

船之瑞自天有祚不爲定於郊廓虛其所止非獨在於

汾陰

求豫北伐啟

或以臣素無飛將之目未從嫖姚之伍言易行難收功理絕然桓冲稱謝安無將略文靖公遂破苻堅山濤諳羊祜不强建成侯卒平孫皓微臣之譬兩賢誠無等級小虜之方二寇勢踰枯朽

謝晉安餉米等啟

傳詔李孟孫宣教旨垂賜米酒瓜筍蒟脯鮓茗八種氣苾新城味芳雲杜江潭抽節邁昌荇之珍塲擢翹越葷精之美羞非純束楚麇衰似雪之驢鮓異陶瓶河鯉操如瓊之祭茗同食缺酢類望甘免千里宿春省三月種聚小人懷惠大懿難忘

謝安成王賚祭孤石廟胙肉啟

味過淪鳳珍越屠龍故使屏翳收風馮夷淨浪神居鷁首獨汎安流民幸同附得徵邁迂復等受釐預頒純嘏

欽定四庫全書

漢魏六朝百三家集  
卷九十六

五

恩靈所降信次委積報生以死竊聞斯義

書

答湘東王書

伏承自辭皇邑爰至荆臺未勞刺舉且搞高麗近雖預觀尺錦而不睹全玉昔臨淄詞賦悉與楊修未殫寶笥顧慙先哲渚宮舊俗朝衣多故李固之薦二邦徐珍之奏七邑威懷之道兼而有之當欲使金石流功恥用翰墨垂迹雖乖知二偶達聖心爰自退居素里却掃窮閨

比楊倫之不出譬張摯之杜門昔趙卿窮愁肆言得失  
漢臣鬱志廣敘盛衰彼此一時擬非其匹竊以文豹何  
辜以文爲臯繇此而談又何容易故韜翰吮墨多歷寒  
暑既闕子幼南山之歌又微敬通渭水之賦無以自同  
獻笑少酬褒誘且才乖體物不擬作於玄根事殊宿諾  
寧貽愆於朱亥顧已反躬載懷累息但瞻言漢廣邀若  
天涯區區一念分宵九逝殿下降情白屋存問相尋食  
堪懷音矧伊人矣

欽定四庫全書

漢魏六朝百三家集  
卷九十六

六

### 答雲法師書

孝綽和南辱誨垂示勅旨所答劉太僕思効啟義窮深  
遠語兼巧便伏聞希有身心踴躍昔戈盾夾車備不虞  
於周后兵旗引駕防未然於漢君斯皆執心黃屋瑞無  
紺馬事極寰寓之中理隔天人之外皇上自茲善覺降  
迹閭浮以住地之心行則天之化故能慈導三有仁濟  
萬物猶以法藥未周寶船不倦解劒却蓋躬詣道場瑞  
花承足人觀雕輦之盛金輪啟路物覩重英之飾顯實

開權事均祇驚本無四畏寧慮五怨思効遂虜引梁丘  
隨劒之說日殫觸瑟之辭何異迴龍象於兔徑注江海  
於牛迹聖旨慙慙曲根誘喻豈直淨一人之垢衣將以  
破羣生之暗室弟子世傳正見幼覩真言但惑網所縈  
塵勞自結微因宿植仰逢法教親陪寶座預餐香鉢復  
得俱聽一音共聞八解庶因小葉受潤大雲猥蒙開示  
深自慶幸不勝歡喜略附陳誠劉孝綽和南

### 與弟書

欽定四庫全書

漢魏六朝百三家集  
卷九十六

七

方弘游典墳寤歌林澗覽興衰於千載觀榮落於四時  
序

### 昭明太子集序

臣竊觀大易重明之象著焉抑又聞之七卷之義存焉  
故書有孟侯之名記表元良之德歷選前古以洎夏周  
可得而稱啟誦而已雖徹聖挺賢光乎二代高文精義  
閭爾無聞漢之顯宗晉之肅祖昔自春宮益好儒術或  
專經止於區易或持論窮於貞假子桓雖摘藻銅省集

講肅成事在藩儲理非皇貳未有正位少陽多才多藝者也粵我大梁之二十一載盛德備乎東朝若乃有縱自天惟睿作聖顯仁立孝行於四海如珪如璋不因琢磨之義爲臣爲子寧待觀喻之言惟性道難聞而文章可見故俯同志學用晦生知以弦誦之餘辰總鄒魯之儒墨徧綈綰於七閤彈竹素於九流地居上嗣實副元首皇帝垂拱巖廊委成庶績時非從守事或監撫雖一日二日攝覽萬幾猶臨書幌而不休對敝案而忘怠況復延納侍講討論經紀去聖滋遠愈生穿鑿枝分葉散殊路倦馳靈臺辟雍之疑禋宗祭社之繆明章申老之議通顏理王之說量覈然否剖析同異察言抗論窮理盡微於時淹中稷下之生金華石渠之士莫不過衢樽而挹多少見斗極而曉西東與夫盡春卿之道贊仲尼之宅非賈誼於蘇林問蕭佇於棗據區區前史不亦慙歟加以學貫總持辨同無破五時密教見猶鏡象一乘妙旨觀若掌珠及在布金之園處如龍之衆開示有空

顯揚權實是以徧動六地普雨四花豈直得解櫻須提舍鉢瓶沙騰曇言德梵志依風而已哉若夫天文以爛然爲美人文以煥乎爲貴是以隆儒雅之大成遊雕蟲之小道握牘持筆思若有神曾不斯須風飛雷起至於宴遊西園祖道清洛三百載賦該極連篇七言致擬見諸文學博逸興詠並命從遊書令視草銘非潤色七窮焯燁之說表極遠大之才皆喻不備體詞不掩義因宜適變曲盡文情竊以屬文之體鮮能周備長卿徒善既累爲遲少孺雖疾俳優而已子淵淫靡若女工之蠹子雲侈靡異詩人之則孔璋詞賦曹祖勸其修今伯喈笑贈摯虞知其頗古孟堅之頌尚有似贊之譏士衡之碑猶聞類賦之貶深乎文者兼而善之能使典而不桀遠而不放麗而不淫約而不儉獨擅衆美斯文在斯假使王朗報箋卞蘭獻頌猶不足以掄揚著述稱贊才章況在庸才曾何彷彿然承華肇建濫齒時髦居陪出從逝將二紀譬彼登山徒仰峻極同夫觀海莫澄波瀾但職

官書記預聞盛藻歌詠不足敢忘編次謹爲一帙十卷  
第目如左日升松茂與天地而偕長壯思英詞隨歲月  
而增廣如其後錄以俟賢臣

碑

司空安成王碑

昔者重華文命並胄高陽之苗豐邑春陵俱纂帝堯之  
緒而虞夏革運姚姒之姓已分高光再興大漢之名無  
改如我皇家梁齊代建異文叔之紹開起自王族非伯

欽定四庫全書

漢魏六朝百三家集  
卷九十六

十一

禹之更姓公則本枝別幹誕自河嶽五百之期實膺命  
世卜商有問是謂色難承志望顏在公斯易至如文琰  
之對食餘幼權之言爵里衛子之朗月映山杜生之凝  
脂點漆惟公具美歷駕前修峨峨焉非嶽陵之所至浩  
浩焉總江漢而爲長故能擊水三千搏風九萬排天闕  
而俯眦掩浮雲而上征皇帝甄名挺聖河洛有徵握衡  
含樞奄一時夏利建藩屏固葉深根邨霍豐邨方周啟  
祚封公爲安成王食邑二千戶允同衛叔賜寶器於商

郊殊異唐侯戲桐珪於汾水乃拜公爲平西將軍荊州  
刺史楚之對齊屈完引城池之固荆之比宋墨翟陳軫  
路之殊品金作貢不異淮海珠璣犀象又無求于晉國  
況以雲夢九百之宏侈章華三休之巨麗公禦煩以寡  
居高而降執冲虛之道無矜滿之情其爲政也莊敬足  
以範物慈惠足以庇民剛毅足以威暴清貞足以勵俗  
天監十七年薨春秋四十有五凡我庶民竊親高義況  
復祇承帝命來仕王家免園晚春叨從者之賜高唐暮  
天奉作賦之私常思慶雲之惠不酬而搖落奄至豈謂  
輕塵之効莫展而峻極先頽思所以立言貞石貽厥長  
世銘曰

欽定四庫全書

漢魏六朝百三家集  
卷九十六

十一

昔在文韶五賢二聖漢藩魏屏微風不競於赫我梁德  
符姬姓康王康叔異時同盛爰自妙年令問不已一孝  
一悌寔光行始義府文場詞人髦士波瀾莫際牆仞難  
窺用茲先覺導此後知德大心小居高志卑再握不倦  
三吐忘疲飛龍在天肇基宛瀆地猶小肺民同世復皇

情睠正屬難推轂允矣宗英移藩改牧誰謂路永江漢  
已浮彼蒼不惠遽反成周川迴沂舳塗引歸旒

### 栖隱寺碑

開方便門示真實相置甘露室遵甘露津苦語輒言隨  
方弘訓俯心降迹逐物重輕中枝小葉各隨業根慙其  
四流五結有來而不散八慢九邪一淪而莫曉如彼醫  
王等之藥樹去聖茲遠思聖茲深誠敬所先是歸龕廟  
自妙法東注寶化西漸公卿貴仕賢哲偉人莫不嚴事

欽定四庫全書

漢魏六朝百三家集  
卷九十六

十二

招提師仰慧覺欲使法燈永傳勝因長久銘曰

給孤焚蕩善勝崩淪堂堂宗匠克紹慧因地雖舊域其  
宇維新召棠且思羊碑猶泣況我仁祠義踰生立遺愛  
伊何形于南邑亦有庶民經始攸急珠殿連雲金層輝  
景衢交達巷門臨樹屏五居推妙三空愧靜銘施柱側  
記法窟前孰云千載餘迹方傳敢宣重說敬勒雕鐫芬  
域未滅斯文在旃

### 樂府

### 釣竿篇

釣舟畫彩鷁漁子服冰紈金轄茱萸網銀鉤翡翠竿斂  
橈隨水脈急漿渡江湍湍長自不辭前浦有佳期船交  
橈影合浦深魚出遲荷根時觸餌菱芒乍罾絲蓮度江  
南手衣渝京兆眉垂竿自有樂誰能爲太師

### 夜聽妓賦得烏夜啼

鶉絃且輟弄鶴操暫停徽別有啼烏曲東西相背飛倡  
人怨獨守蕩子殊未歸忽聞生離唱長夜泣羅衣

欽定四庫全書

漢魏六朝百三家集  
卷九十六

十三

### 銅雀妓

雀臺三五日絃吹似佳期況復西陵晚松風吹總帷危  
絃斷復續妾心傷此時誰言留客袂一作翻遂掩望陵悲

### 班婕妤怨

應門寂已閉非復後庭時況在青春日萋萋綠草滋妾  
身似秋扇君恩絕履綦詎憶遊輕輦一作徒令從今賤妾辭

### 三婦豔

大婦縫羅裙中婦料繡文唯餘最小婦窈窕舞昭君丈

人慎勿去聽我駐浮雲

權歌行

日暮楚江上江深風復生所思竟何在相望徒盈盈舟  
子行催棹無所喝流聲

詩

詠風四言

嫋嫋秋聲習習春吹鳴茲玉樹渙此銅池羅幃自舉襟  
袖乃披慙非楚侍濫賦雄雌

欽定四庫全書

漢魏六朝百三家集

十四

侍宴

外編作任昉者  
非以下五言

清宴延多士鴻漸濫微薄臨炎出蕙樓望辰躋茵閣上  
征切雲漢俛眺周京洛城寺鬱參差街衢紛漠漠禁林  
寒氣晚方秋未搖落皇心重發志賦詩追並作自昔承  
天寵於茲被人爵選言非綺綃可以儷金腹

又

茲堂乃峭嶠伏檻臨曲池樹中望流水竹裏見攢枝欄  
高景難蔽岫隱雲易垂邈近逢休幸朱躡曳青規丘山

不可答蔡藿空自知

三日侍華光殿曲水宴

薰被三陽暮濯禋元已初皇心騰樂飲帳殿臨春渠豫  
遊高夏諺凱樂盛周居復以焚林日丰茸花樹舒羽觴  
環堦轉清瀾傍席䟽妍歌已嘹亮妙舞復紆餘九成變  
絲竹百戲起龍魚

三日侍安成王曲水宴

匯澤良孔殷分區屏中縣躡跨兼流采襟喉邇封甸吾

欽定四庫全書

漢魏六朝百三家集

十五

王奄鄴畢析珪承羽傳不資魯俗移何待齊風變東山  
富遊士北土無遺彥一言白壁輕片善黃金賤餘辰屬  
上一作元已清祓追前諺持此陽瀨遊復展城隅宴芳洲  
亘千里遠近風光扇方歡厚德重誰言薄遊倦

春日從駕新亭應制

旭日輿輪動言追河曲遊紆餘出紫陌遙邁度青樓前  
驅掩蘭徑後乘歷芳洲春色江中滿日華巖上留江風  
傳葆吹巖華映采旂臨渦起睿作駟馬暫停輶侍從榮

前阮雍容慙昔劉空然等彈翰非徒嗟未道

侍宴集賢堂應令

北閣時既啟西園又已闢宮屬引鴻鸞朝行命金碧伊  
臣獨何取隆恩徒自昔布武登玉墀委坐陪瑤席綢繆  
參宴笑淹留奉觴醪壺人告漏晚烟霞起將夕反景入  
池林餘光映泉石

侍宴餞庾於陵應詔

皇心眷將遠帳餞靈芝側是日青春獻林塘多秀色芳  
卉疑綸組嘉樹似雕飾遊絲綴鶯領光風送綺翼下輦  
朝既盈留宴景將昇高辨競談端奇文爭筆力伊臣獨  
無伎何用奉吹息

侍宴餞張惠紹應詔

滄池誠自廣蓬山一何峻麗景花上鮮油雲葉裏潤風  
度餘芳滿鳥集新條振餞言班俊造光私獎輜宏徒然  
謬反隅何以窺重仞

餞張惠紹應令

欽定四庫全書

漢魏六朝百三家集  
卷九十六

十六

鮮雲積上月凍雨晦初陽迴風飄淑氣落景煥新光竹  
萌始防露桂挺已含芳瑤階變杜若玉沼發攢蔣聖襟  
惜岐路曲宴闌蘭堂

侍宴離亭應令

輶轅東北望江漢西南永羽旗映日移鏡吹臨風警令  
王慙追送纚舟宴俄頃掩袂眺征雲銜杯惜餘景首燕  
徒有心局步何由騁

奉和昭明太子鍾山解講

御鶴翔伊水策馬出王田我后遊祇驚比事實光前翠  
蓋承朝景朱旗曳曉烟樓帳縈巖谷緹組曜林阡況在  
登臨地復及秋風年喬柯變夏葉幽澗潔涼泉停鑒對  
寶座辯論悅人天淹塵資海滴昭暗仰燈然法朋一已  
散笳劍儼將旋邂逅逢優渥託乖侶才賢搞辭雖並命  
遺恨獨終篇

和湘東王理訟

馮翊亂京兆廣漢欲兼治豈若兼邦牧朱輪褰素帷淮

欽定四庫全書

漢魏六朝百三家集  
卷九十六

十七